

JAVNO PREDUZEĆE ZA UPRAVLJANJE I ODRŽAVANJE
SPORTSKIH OBJEKATA D.O.O. ZENICA

NADZORNI ODBOR

Na osnovu člana 8.Zakona o ministarskim,vladinim i drugim imenovanjima Federacije BiH (" Službene novine Federacije BiH ", br.12/03,34/03 i 65/13), člana 12. Zakona o javnim preduzećima u Federaciji Bosne i Hercegovine („Službene novine Federacije BIH“ br.8/05, 81/08, 22/09 i 109/12), člana 263. tačke 3. Zakona o privrednim društvima („ Službene novine Federacije BIH“ br.81/15), člana 29. i 32. Statuta Javnog preduzeća za upravljanje i održavanje sportskih objekata d.o.o. Zenica (" Službene novine Općine Zenica ", broj 6/08),i Odluke o raspisivanju javnog konkursa za izbor i imenovanje direktora Javnog preduzeća za upravljanje i održavanje sportskih objekata d.o.o. Zenica br.700-3 od 14.05.2018 godine, Nadzorni odbor Javnog preduzeća za upravljanje i održavanje sportskih objekata d.o.o. Zenica raspisuje

KONKURS

ZA IZBOR I IMENOVANJE DIREKTORA JAVNOG
PREDUZEĆA ZA UPRAVLJANJE I ODRŽAVANJE
SPORTSKIH OBJEKATA D.O.O. ZENICA

Objavljuje se konkurs za izbor i imenovanje direktora Javnog preduzeća za upravljanje i održavanje sportskih objekata d.o.o. Zenica, na period od četiri godine.

1.Opis poslova direktora Preduzeća :

- organizaciju i vođenje poslovanja Preduzeća,
- rukovođenje procesom rada,
- izvještavanje Nadzornog odbora Preduzeća na njegov zahtjev,
- implementaciju etičkog kodeksa u Preduzeću,
- provedbu Statuta,etičkog kodeksa i drugih akata Preduzeća,
- izradu prijedloga i nadgledanje realizacije planova poslovanja,
- osiguranje provedbe propisa za postupak javnih nabavki u skladu sa ZJN,
- izradu kalkulacije cijena i načina plaćanja komunalne usluge,
- za donošenje Pravilnika o radu i akata o načinu utvrđivanja odgovornosti zaposlenika za povrede radne obaveze, kao i ostalih općih akata,
- pripremanje prijedloga o raspodjeli dobiti ili pokriću gubitka,
- odlučivanje o pravima i obavezama zaposlenika iz ugovora o radu shodno Zakonu o radu, Kolektivnom ugovoru i Pravilniku o radu,
- zastupanje preduzeća pred trećim licima,
- staranje i odgovornost za zakonitost rada Preduzeća,
- primjenu preporuka Odbora za reviziju,
- osiguranja uslova za rad Odjela za internu raviziju u pogledu prostora i cjelovitog uvida u evidenciju preduzeća potrebne za njihovo obavljanje poslova,
- druge aktivnosti neophodne za nesmetano poslovanje Preduzeća.

2.Kandidat za mjesto direktora mora ispunjavati sljedeće uslove

a) opći uslovi

- da je državljanin Bosne i Hercegovine ;
- da je stariji od 18 godina ;
- da nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja upražnjene pozicije ;
- da nije pod optužnicom Međunarodnog suda za ratne zločine u bivšoj Jugoslaviji (član IX.1.Ustava Bosne i Hercegovine) ;
- da nije u funkciji u političkoj stranci, u smislu člana 5.Zakona o ministarskim, vladinim i drugim imenovanjima Federacije BIH (" Službene novine Federacije BIH ", br.34/03) ;
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa (" Službeni glasnik BIH " , br.16/02 i 12/04) ;
- da nema privatni/finansijski interes u Javnom preduzeću za upravljanje i održavanje sportskih objekata d.o.o. Zenica.

b) posebni uslovi

- da posjeduje visoku stručnu spremu VII stepen obrazovanja i ima 3 godine iskustva u struci, nakon sticanja stručne spreme.
 - da ponudi program razvoja Preduzeća za period od četiri godine, koji će biti predmet analize i ocjene u konkursnom postupku.
- Mandat direktora traje četiri godine.

3.Potrebni dokumenti

- 1.prijava na konkurs,
 - 2.biografija,odnosno CV (Curriculum Vitae),
 - 3.program razvoja Preduzeća za period od četiri godine,
 - 4.dokaz o stručnoj spreml,
 - 5.dokaz o radnom iskustvu u struci nakon sticanja stručne spreme,
 - 6.izvod iz matične knjige rođenih,
 - 7.uvjerenje o državljanstvu,
 - 8.izjava da nije pod optužnicom Međunarodnog suda za ratne zločine u bivšoj Jugoslaviji (član IX.1.Ustava Bosne i Hercegovine),
 - 9.izjava da nije na funkciji u političkoj stranci, u smislu člana 5.Zakona o ministarskim, vladinim i drugim imenovanjima Federacije BIH (" Službene novine Federacije BIH ", br.34/03),
 - 10.izjava da nije član organa zakonodavne, izvršne ili sudske vlasti ili savjetnik u smislu Zakona o sukobu interesa (" Službeni glasnik BIH " , br.16/02),
- Za dokumenta pod stavkom 3.,4.,5.,6.,7.,8.,9.10. treba dostaviti original ili ovjerenu fotokopiju.

Podnosioci prijava, koji budu ispunjavali uslove Konkursa, bit će pozvani na intervju pismenim putem.

Svi kandidati bit će pismenim putem obavješteni o rezultatima provedenog konkursa.

Za kandidata koji bude izabran u konkursnoj proceduri, po službenoj dužnosti će se , putem nadležnih organa, izvršiti provjera o tome da li se protiv izabranog kandidata vodi krivični postupak i da li je osuđen pravomoćnom sudskom presudom.

Konkurs ostaje otvoren 15 dana od dana posljednje objave, a isti će biti objavljen u „Službenim novinama Federacije Bosne i Hercegovine“ i dnevnom listu „Oslobođenje“,web stranici Grada Zenica www.zenica.ba.

Sve informacije u toku postupka su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka BIH (" Službeni glasnik BIH " broj 49/06,76/11 i 89/11).

Prijave sa potrebnom dokumentacijom treba dostaviti lično ili poštom na adresu : Javno preduzeće za upravljanje i održavanje sportskih objekata d.o.o. Zenica, Nadzorni odbor Javnog preduzeća za upravljanje i održavanje sportskih objekata d.o.o. Zenica, ulica : Aleja šehida bb, 72000 Zenica: " Prijava na konkurs za izbor i imenovanje direktora Javnog preduzeća za upravljanje i održavanje sporstskih objekata d.o.o. Zenica – NE OTVARATI ".

Nepotpune i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.